

U masamaanay a habay

I niyaru' anu iratu ku nipahabay tu ayam, taduk, kaciw....adihay, nika u tapang a kakaenen caay tu kadengay sakiyari. Ira ku nipasuwal tu i misu'ayaway i titaan a niyaru' "Lan-i" hananay a kitakit, ira kiya pihacengay a alesu'ay a belac saan. Nika a maanen hakiya a miala a patayni i titaan, sakiyari i tiya pibuwahan tu niyaru' ira kiya lamit nu titic saan, dengay a milawit tu liyal a besuc saan a tungasa tiya "Lan-i" hananay a niyaru', u mamalalan kayakay nira tusaay a kitakit sakiyari.

Tuya cacay a remiad, ira ku saba ni Tata ci Rubirubi atu babainay nira dungdung han nu heni a remakat kira lamit araw tangasa i "Lan-i", itaya a makamelaw ku heni tu habay, araw mitakaw a misimed tu sakataluma' nu heni. Maletap nira tamdaw nu "Lan-i", a mikinsa tu tiretirengehan nu heni a tatusa, tu sakacaay pakataluma' i kira habay a minukas, sulinay hacwaay a kiya ku nitaneng nu heni, awaay ku nikapataluma'an, tiya cacaytu a nipikerid nu heni a pataluma' nu habay, sulinay malemed ku heni mapasunuk nu heni a mapataluma'. Patayra han nu heni i pibuwahan tu niyaru' a paluma kira habay, paluma han i liyut nu paluma'an, pasisi han amin ku lumaluma'an a paluma Kayhan malikel amin ku niyaru' sananay. I

tiya u tatangicen nu nimanima kira habay. Cacay ku nirahekad tu habay, dengay a mabecul ku cacayay nu tamdaw saan. I tiyaay hen a nika'urip, ira habay hantu, sacacay cacay hananay a mipuci kiyari, araw sisemuwalay, tada adihay tu ku nademakan satu, tuwa sanga' satu tu naba atu tanud. Pateli han ku cacayay a balud nu habay a mipekpek a mipuci, liyaw satu tapes han kira nitibek a habay a mirahekad, tada adihay tu kira nicacak, pihaceng ku nikarukruk nu baedetay a nanum, maemin a masaciris a midungdung a talaliyal a mala pihacengay a la'ing . ira nirahekad tu habay satu , matumes tu a mapuwas ku paluma'an, melaw han kira pulecici nira habay , matastas ku luma' nira paayaway a misa akuakuay a tamdaw, i matini satu maepik a mapatay tu kira tamdaw. Sulinay caay kawhahaenen ku benek nu tu'as i matiyahen, ira micidekay a habay nu ta'u a raecustu a misa alaala tu habay nu ruma a kitakitan kiyari, i tiya :tu a malasawad kira micidekay a habay kiyari.

神奇的小米

人們如何從蘭嶼取得珍貴的小米。Tata 的妹妹 Ruviruvi 和未婚夫冒險沿著通往蘭嶼的榕樹根偷取小米，經多次失敗後終於成功帶回發祥地，並將種子分送給村民。當時的小米非常神奇，一粒就能讓人吃飽。但後來有人為求方便，用杵臼大量搗米，一次煮太多導致米飯溢出，造成災難，也讓小米失去了原本的神奇力量。此傳說反映了食物取得的艱難與對自然法則的敬畏。